

Հայոց լեզու և հայ գրականություն

ԹԵՍՏԻ ԿԱՌՈՒՑՎԱԾՔԸ

Թեստը բաղկացած է 35 առաջադրանքից, որոնք, ըստ քննվող նյութի թեմաների, առաջադրանքների կառուցվածքային տեսակների և առաջադրանքներին տրվող միավորների, բաշխված են հետևյալ համամասնությամբ:

1. Առաջադրանքների կառուցվածքային տեսակները և դրանց տրվող միավորները.

տեսակը	քանակը	միավորը
ընտրովի պատասխանով	26	26
կարճ պատասխանով	7	9
ընդարձակ պատասխանով	2	5
<i>ընդամենը</i>	35	40

2. Առաջադրանքների բովանդակային տեսակները և դրանց տրվող միավորները.

տեսակը	քանակը	միավորը
հայոց լեզու	28	35
<input type="checkbox"/> հնչյունաբանություն ուղղագրություն	4	4
<input type="checkbox"/> բառագիտություն	5	5
<input type="checkbox"/> ձևաբանություն	6	6
<input type="checkbox"/> շարահյուսություն	9	9
<input type="checkbox"/> կետադրություն	1	3
<input type="checkbox"/> կապակցված խոսք	4	4
<input type="checkbox"/> շարադրություն	1	4

հայ գրականություն	5	5
<i>ընդամենը</i>	35	40

3. Առաջադրանքների կառուցվածքային և բովանդակային տեսակների համամասնությունը.

կառուցվածքային տեսակը	բովանդակային տեսակը			
	հայոց լեզու		հայ գրականություն	
	քանակը	միավորը	քանակը	միավորը
ընտրովի պատասխանով	23	23	3	3
կարճ պատասխանով	5	7	2	2
ընդարձակ պատասխանով	2	5		
<i>ընդամենը</i>	30	35	5	5

ԱՌԱՋԱԴՐԱՆՔՆԵՐԻ ԳՆԱՀԱՏՄԱՆ ՉԱՓԱՆԻՇՆԵՐԸ

Ընտրովի պատասխանով առաջադրանքների յուրաքանչյուր ճիշտ պատասխանի համար տրվում է 1 միավոր:

Կարճ պատասխանով առաջադրանքների յուրաքանչյուր ճիշտ պատասխանի համար տրվում է 1 միավոր:

Եթե այդ առաջադրանքները ենթահարցերով են, ապա յուրաքանչյուր ենթահարցի ճիշտ պատասխանի համար տրվում է 1-ական միավոր:

Կետադրության վերաբերյալ առաջադրանքի յուրաքանչյուր ճիշտ կետադրական նշանի համար՝ 1 միավոր (ընդամենը՝ 3 միավոր): Եթե տվյալ կետադրական կանոնը պահանջում է 2 կետադրական նշան (օրինակ՝ հետադաս ծավալում որոշիչը՝ բութ և ստորակետ), ապա 1 միավոր է տրվում այն դեպքում, եթե 2 նշանն էլ ճիշտ են դրված:

Ցանկացած այլ (ավելորդ կամ սխալ) կետադրական նշաններից յուրաքանչյուրի գործածության դեպքում այս առաջադրանքին տրվելիք միավորներից հանվում է մեկական միավոր:

Եթե հանվելիք միավորների թիվը 3 և ավելի է, ապա առաջադրանքին միավոր չի տրվում, սակայն թեստի ընդհանուր միավորներից միավոր չի հանվում:

Ընդարձակ պատասխանով առաջադրանքները հետևյալ տիպերի են՝

1. վերարտադրել շարադրանքի (տեքստի) առաջին նախադասությունը՝ ըստ շարադրանքի բովանդակության,
2. գրել կապակցված խոսք տրված բառերով կամ համառոտ վերապատմել այսինչ ծրագրային գեղարվեստական ստեղծագործության այսինչ հատվածը կամ ստեղծագործությունը ամբողջությամբ:

Ընդարձակ պատասխանով առաջադրանքներից առաջինն տրվում է 1 միավոր, երկրորդին՝ առավելագույնը 4:

2-րդ տիպի առաջադրանքները երկու տեսակի են: Դրանք երկուսն էլ գնահատվում են միևնույն չափանիշներով: Եթե առաջադրանքը որևէ գեղարվեստական ստեղծագործության վերաբերյալ է, ապա միավոր չի հանվում թույլ տրված սյուժետային, գաղափարական կամ գրականագիտությանը վերաբերող այլ անճշտությունների համար:

Երկրորդ տիպի ընդարձակ պատասխանը չի գնահատվում, եթե՝

- խոսքը չունի ամփոփ, ավարտուն տեսք, սկիզբ, միջին մաս, ավարտ,
- նախադասությունների (5-7) կամ բառերի (50-60) քանակը չի համապատասխանում պահանջվածին,
- գործածված չեն տրված բառերից առնվազն 7-ը (համապատասխան տեսակի առաջադրանքի դեպքում):

Առավելագույն միավորից միավոր է հանվում հետևյալ դեպքերում՝

- կա 1-2 ուղղագրական սխալ՝ 1 միավոր, 3 և ավելի՝ 2 միավոր,
- կա 2-4 կետադրական սխալ՝ 1 միավոր, 5 և ավելի՝ 2 միավոր,
- կա 1-2 սխալ կամ ոճականորեն չպատճառաբանված բառագործածություն՝ 1 միավոր, 3 և ավելի՝ 2 միավոր,
- կա բառի քերականական ձևի, խնդրառության, համաձայնության կամ շարադասության 1-2 սխալ՝ 1 միավոր, 3 և ավելի՝ 2 միավոր,
- նախադասությունների միջև առկա է տրամաբանական կապի խախտման կամ ստորոգյալների ժամանակային ձևերի չպատճառաբանված անհամաձայնության՝ 1-2 դեպք՝ 1 միավոր, 3 և ավելի՝ 2 միավոր:

Եթե հանվելիք միավորների թիվը 4 և ավելի է, ապա առաջադրանքին միավոր չի տրվում, սակայն թեստի ընդհանուր միավորներից միավոր չի հանվում: